



## Universitätsbibliothek Paderborn

**D. Bernardi Primi Clarævallensis Abbatis, Ordinis  
Cisterciensium Antesignani, melliflui Ecclesiæ Doctoris  
Sermones In Dominicas & Festa per annum**

**Bernardus <Claraevallensis>**

XXVII. Contra vitiu[m] ingratitudinis.

**urn:nbn:de:hbz:466:1-39254**

dem Dei est, suam nobis indicans voluntatem? At quicunque nihil certum de huiusmodi in corde posuerit: in quicunque partem postea convertatur, scandalizari non poterit. Aut si quis facere cogitat unde mandatum certum non habet, si voluntatem suam suspensam tenuerit donec prælatum interroget, & ab eo querat Domini voluntatem, cui vice ipsius obedit, non turbabitur quicquid ei præcipiatur: quoniam pax multa diligentibus legem tuam Domine, & non est illis scandalum.

Porrò quod dixi, voluntatem suspensam teneat, aut voluntatem suam divinæ subiicit voluntati, non de concupiscentiis desideriorum, non de affectionibus dico. Illud enim impossibile est, dum adhuc in hoc peccati corpore, in hoc corpore mortis anima detinetur. Quid enim esset aliud quam vita æterna, tota affectione divinam in omnibus sequi voluntatem? Sed consensum nostrum necesse est divinæ subiicere voluntati, si pacem æternam, & pacem desideramus habere præsentem, sicut scriptum est. *Pacem meam do vobis, pacem relinquo vobis. Domine ( ait Propheta ) in lumine vultus tui ambulabunt, & in nomine tuo exultabunt tota die.* Ailius enim ambulat in lumine vultus sui, sollicitus facere suam voluntatem, & beneplacitum cordis sui considerans. Alius ambulat in lumine vultus humani, in eo semper intentus quid hominibus placeat, quid mundus judicet: de quo Propheta loquitur: *Diem hominis non concupivi, Domine tu sis. Contritio & infelicitas in viis eorum, & viam pacis non cognoverunt, non est timor Dei ante oculos eorum.* Nam qui timorem Dei semper habet præ oculis, viæ eius viæ pulchræ, & omnes semitæ eius pacificæ. *Venite ad me, inquit, omnes qui laboratis & onerati estis, & ego reficiam vos;* quos vestræ seu alienæ voluntatis dura premit servitus: *& invenietis requiem animabus vestris. Ingum enim meum suave est, & onus meum leve.* Quanto enim benignior & dulcior est divina clementia quolibet homine, tanto suavius esse manifestum est jugum eius cæteris omnibus. Properea homines sibi ipsis aut aliis hominibus placere studentes, confusi sunt: sed qui in lumine vultus tui ambulant Domine, id solum cogitantes, quomodo tuam faciant voluntatem, & toto corde contendentes placere tibi; nunc quidem in nomine tuo exultabunt, & nō erit illis scandalum. Demum in justitia tua exultabunt, quando exuentes infirmitates suas, & intrantes potentias Domini memorabuntur justitiae tuæ solius, ut eam tunc teneant sine labore, quam modo sequi laborant.

## SERMO XXVII.

Contra Vitium Ingratitudinis.

**M**agna est super nos, dilectissimi, magna valde misericordia Dei nostri, quos tam ineffabili spiritus sui virtute, tam inæstimabili dono

*Voluntas se  
potius concu-  
piscentie plena  
subiectio im-  
possibilis in hoc  
mortali corpore*

*c Ioan. 14. c  
d Psal. 88. c*

*e Hier. 17. b*

*f Psal. 13. b  
g Prov. 3. c  
h Matt. 11. d*

*Servitus DEI  
suavior omni  
servitudo, quâ  
to Deus sua-  
rior omni ho-  
mine.*

*Beneficium vocacionis religiose quanti faciendū.*

*Religiosus consideret unde & quō vocatus sit.*

*Discrimen inter corporares secularium & Religiosorum labores.*

*Ioan. 6. 9*

*Matr. 19. b*

*Matt. 19. c*

dono gratiæ suæ eripuit à vana nostra conversatione huius sæculi, in quo eramus aliquando tanquam sine Deo, aut certè (quod execrabilis est) etiam contra Deum, non ignorantiam habentes, sed contemptum: cuius vitæ aut potius mortis (anima enim quæ peccaverat, ipsa moriebatur) utnam frequenter in oculis cordis nostri tetra versetur imago; quanta videlicet cæcitas, quanta perversitas illa fuerit, ut sedula meditatione pensantes miseriæ pondus: et si non tam perfectè sicut est, aliquatenus tamen æstimare possimus liberatricis misericordiæ quantitatem. Iam verò si quis ex vobis diligenter considerare non negligat, non modò unde erutus, sed ubi sit constitutus, non solum quid evaserit, sed & quid acceperit: non tantum unde revocatus sit, sed etiam quo vocatus: inveniet sine dubio cumulum huius misericordiæ omnino mensuræ prioris excedere quantitatem. Neque enim fecit taliter omni nationi, ut non solum judicia, sed & consilia sua manifestaret eis: sed omnino magnificavit facere nobiscum, non solum in servos assumens, sed eligens in amicos. Neque enim nos eligimus eum, sed ipse elegit nos, ut eamus & fructum afferamus: fructum inquam, non solum non peremptorium, quod ad judicium pertinens, notum sit etiam servis: sed nec perituru quidem, quod de consilio est, & reveletur amicis.

In hoc siquidem positi sumus, ut non peccato serviamus: Ipse enim est peremptorius labor: nec sæculo quoque, quemadmodum hi quos vivimus subditos curis terrenis, et si non culpis: corporalibus officiis, et si non flagitiis implicatos, & in ea quæ præterit huius mundi figura pro sua tuorumque præsenti sustentatione laborantes, quorum utique labor et si non ad damnationem, minimè tamen pertinet ad salutem, ita ut et si conservavint fundamentum, detrimentum tamen patientur, percuntibus quæ superædificaverant, ipsis verò salvi sint, sic tamen quasi per ignem. Nobis autem quid dicitur? Quod consilium datur amicis? *Operamini non cibum qui perit, sed qui permanet in vitam æternam* <sup>a</sup>. Nec cessamus ab operando hoc cibo etiam cum terrenis forte occupamur operibus, aut obedientia dictante, aut fraternalè charitatis intuitu, quoniam dissimilis nobis intentione est ab his, quorum laborem perituru esse prædictimus. Dissimili proinde radice inhærens labor similis non similiter habet perire, quoniam radicatus est in ea quæ nunquam perit æternitate,

Denique si forte non quidem illicita, nec tamen expedientia sectantes, priori forsitan fornicatione relicta, stetissemus in conjugii castitate, non capientes quod de cœlibi vita datum novimus esse consilium *b*, sed à rapinis & fraudibus abstinentes, licetè propriis rebus uteremur, necdum tamen ad perfectionem evangelicam attingentes: sicut scriptum est <sup>c</sup>: *Si vis esse perfectus, vade & vende omnia quæ habes, & veni, sequere me, &c.* Hoc ipsum quantæ pietatis esset, si à tantis criminibus in quibus multi ex vobis involuti

voluti solum in se responsum mortis, & judicium certæ damnationis habent, datum esset vel in inferiori aliquo respirare gradu? Prodigus certè filius ad filiorum numerum aspirare timebat<sup>d</sup>, beatum se reputans, si forte vel in mercenariorum numero recipi mereretur: minimè tamen sufficere potuit paternæ pietati, nisi tamen copiosam ei misericordiam exhiberet, cui posset & ipse qui nunquam à patre discesserat senior filius invidere. Sic & nos, dilectissimi, abundanter effusa super nos misericordia Dei nostri; de filiis iræ & dissidentiæ non solum ad electorum recepit numerum, sed vocavit ad collegium perfectorum. Nam & si fortè aliquorum negligentia ad perfectionem non assurgit, ipsi viderint quid excusationis possint afferre, quoniam apostolicam omnes nos vitam professi sumus, apostolicæ professioni nomina dedimus universi. Quod sanè non de ea gloria sanctitatis dixerim, quam non sibi tantum, sed universo orbi suscipere meruerunt, sic ut scriptum est<sup>e</sup>: *Suscipiant montes pacem populo, & colles iustitiam*, sed de eorum potius professione qua pro omnibus Petrus loquitur, dicens: *Ecce nos reliquimus omnia, & secuti sumus te f.*

Sed iam omnino movet, fratres mei, quid sibi velit quod minus erga nos liberalis nunc divina clementia videatur, ut quibus tanta contulit non rogantibus, non desiderantibus, immò & fortasse recusantibus: nunc orantibus, obsecrantibus, postulantibus sèpissimè, immò continuè, videatur multa minora negare. Quid enim putamus charissimi? Abbreviata est manus Domini, an fortè thesauri gratiæ defecerunt? Quid, inquam, putamus, utrum voluntas mutata sit, an immutata facultas? Neutrum sanè de eo æstimare licet, neutrum fas est credere de omnipotenti & immutabili majestate. Quid sibi vult ergo, quod incessanter orantes, obsecrantes, postulantes non exaudit, quibus tantam & tam gratuitam misericordiam prærogavit? Nam si respondeat quis quod Apostolo Paulo responsum est<sup>g</sup>, sufficere nobis gratiam Dei: planè omnino fallitur, cum pro ea quam maximè universæ orationes, obsecrations, & postulationes nostræ fiant, ne ambulemus in magnis, aut in mirabilibus super nos, orantes nobis dari humilitatem, quanta decet non dico sanctos, sed monachos peccatores: obsecrantes patientiam nobis tribui, quanta non dico in martyribus inventa eit, sed professioni nostræ necessaria est: postulantes charitatem, quantam non dico angelis, sed patribus, qui fuere homines similes nobis passibiles, etiam & peccatores, divino munere collatam agnoverimus ex testimonio Scripturarum.

Væ generationi huic miseræ ab imperfectione sua, cui sufficere videatur insufficientia, immò inopia tanta. Quis enim ad perfectionem illam quam Scripturæ tradunt, vel aspirare videtur? Non sine causa sanè, cum sint nobis eadem cum patribus conversionis initia, dispar valde conversationis

<sup>d</sup> Luc. 15. d

<sup>e</sup> Psal. 71. a

<sup>f</sup> Matt. 19. c

*NOTA.*  
Cur Deus ple-  
raque licet  
ardenter po-  
stulantibus  
non largiatur

<sup>g</sup> 2. Cor. 12.  
<sup>b</sup>

*Religiosos in  
studio perfe-  
ctionis lany us-  
dos perstringit.*

*Note seu in-  
dicia tepido-  
rum Religio-  
rum.*

*b Psal. 38. c*

*c Luc. 17. d*

*e 1. Tim. 2. a*

*Pauci pro be-  
neficiis grati.*

*NOTA.  
Clementia est,  
ingratis negare  
beneficium.*

*f Isa. 26. b*

tionis profectus invenitur, adeo ut cum eos profecisse de die in diem & cursum consummasset legamus, apud nos magnus aestimaretur, si quis vel ipsa conversionis suæ primordia conservaret, ut non minus humiliis aut timoratus, non minus sollicitus & circumspetus, non minus servens spiritu, non minus patiens ac mansuetus in medio quam in initio videretur. Quantos enim videmus quasi oblitos sui, & peccatorum suorum, Dei quoque & beneficiorum ejus immemores, sic non redimere, sed amittere tempus, ut de moribus & affectionibus suis vix ultima apud ipsos mentio fiat? Quid istos aliud agere dixerim, qui scurrilitates, detractiones, jactantiae & impatientiae verba non reputant, facile contristant proximos, immò spiritum Dei qui in eis est, pusillorum scandala parvipendunt, ad increpationem aliorum aut negligentia quadam dormitare videntur, aut iracundiæ facibus inflammantur, & cum his quasi gens quæ fecerit justitiam, accedunt liberè ad Ecclesiam, psallunt cum aliis, sed non spiritu neque mente, orationis tempore nescio quas ineptias meditantur, & ne ipso quidem tremendo Angelis participare verentur Dominici Corporis sacramento: quid, inquam, istos aliud agere dixerim, quam securos jam de gratia Domini sui, fiducialiter de ea quam longo tempore promeruerint familiaritate presumere? Hoc nempe est quod vulgari proverbio dicitur: Familiaris dominus satuum nutrit servum. Sed ubi est, dilectissimi, quod totiens canitis<sup>b</sup>: *Quoniam adveni ego sum apud te & peregrinus, sicut omnes patres mei?* Heu heu, non invenitur qui redeat & agat gratias Deo, nisi alienigena. Nonne decem mundati sunt, & novem ubi sunt? Meministis credo verba Salvatoris hæc esse, novem illorum ingratitudinem arguentis*i*, Bene siquidem orasse, obsecrare, postulasle leguntur, qui levaverunt vocem, dicentes: *Iesu fili David miserere nobis.* Sed defuit eis quarta quam adjecit Apostolus<sup>k</sup> gratiarum actio, quando nec redierunt nec egerunt gratias Deo,

Multos quoque videmus usque hodie satis importunè petentes quod sibi deesse cognoverint: sed paucos admodum novimus, qui dignas super acceptis beneficiis gratias agere videantur. Nec reprehensibile quod instanter petimus, sed plane petitioni negat effectum, quod invenimus ingrati. Et fortè hoc etiam clementiae esse videtur, ingratis negare quod postulant, ne contingat nobis, ut tantò gravius de ingratitudine judicemur, quantò magis accumulatis beneficijs ingrati probabimur extitisse. Ergo misericordiae res est in hac parte subtrahere misericordiam, quemadmodum iræ & indignationis, misericordiam exhibere, eam sanè de qua per Prophetam ipse Pater misericordiarum loquitur, dicens: *'Misereamur impi, & non disceret facere justitiam.* Quam multos enim videmus & plangimus Fratres, qui, dummodò maneat habitus & tonsura, salva sibi omnia arbitran-

arbitrantur & non considerantes miseris quemadmodum ingratitudinis vermis interiora corrodens, ob hoc tantum corticem quem vident transfor-  
are dissimulet, ne fortè recognoscant & erubescant, ipsaque verecundia e-  
mendentur. Qui sic interdum in nonnullis consumpta esse interiora uni-  
versa præsumit, ut non vereatur ad ea quoque quæ foris apparent, vene-  
natum ducere caput: nisi fortè, quos videmus manifestè apostatare à Deo,  
repente fieri pessimos arbitramur: & non magis paulatim defecisse, cum  
comederint alieni robur eorum, & nescierunt. Vides ergò non omnibus  
prodeesse, quod à lepra scularis conversationis, cuius peccata manifesta  
sunt, emundantur: sed nonnullis peius in occulto ingratitudinis ulcus ori-  
ni, quod tanto periculosius sit, quanto interius. Et bene Salvator hinc in  
Evangelio <sup>m</sup> novem illos ubi sunt querit, quoniam longè est à peccatori-  
bus salus. Sic enim & primum hominem post peccatum ubi sit interro-  
gat <sup>n</sup>: & in judicio nescire sese profirebitur operarios iniquitatis <sup>o</sup>, cum <sup>n Gen. 3, b</sup>  
legamus in psalmo <sup>p</sup>: *Quoniam novit Dominus viam justorum, & iter impio-<sup>o Luc. 13, f</sup>  
rum peribit.* Nec sine causa in novenario inventi sunt qui non redeunt ad  
Salvatorem, in quo nimis numero quaternario quinarius jungitur, &  
est non bona mixtio corporeæ sensualitatis, & evangelicæ traditionis. Quod  
tunc fieri solet, cum sic volumus quatuor Evangelii obedire, ut quinq; cor-  
poris sensus pariter oblectare velimus.

Felix autem *Samaritanus* ille, qui cognovit se nihil habere, quod non  
accepisset, idcirco servavit depositum, & cum gratiarum actione ad Domini-  
num est reversus <sup>q</sup>. Felix qui ad singula dona gratiæ redit ad eum in quo  
est plenitudo omnium gratiarum, cui dum nos pro acceptis non ingratos  
exhibemus, locum in nobis facimus gratiæ, ut majora adhuc accipere me-  
teamur. Omnis enim sola nos à profectu conversationis impedit ingra-  
titudo nostra, dum quodammodo amissum reputans dator, quod ingratus  
acepit, caveret sibi de cætero ne tanto plura amitteret, quanto plura con-  
ferret ingrato. Felix proinde, qui se alienigenam reputans, etiam pro qui-  
busque minimis beneficiis non minimas refert grates, gratuitum esse non  
dubitans, neque dissimulans quod alieno impenditur & ignoto. Nos au-  
tem miseri & miserabiles, cum in initio adhuc alienos nos estimamus, ti-  
morati satis, satis devoti & humiles invenimur, tam facile postmodum ob-  
liviscimur, quam gratuitum sit quicquid accepimus, & prælumentes non  
bene quasi de familiaritate Dei, nequaquam advertimus quod mereamur  
audire: quoniam inimici Domini domestici ejus. Tanto enim facilis  
nunc offendimus eum, quanto ea gravius quæ à nobis committuntur, judi-  
canda noverimus esse: cum in psalmo legamus <sup>r</sup>: *Quoniam si inimicus me-* <sup>r Psal. 54, b</sup>  
*ui maledixisset mihi, sustinuerim utique.* Obsecro itaque, Fratres mei, hu-  
miliemur magis ac magis sub potenti manu Dei, & ab hoc tam maximo,

Sermones S. Bernardi:

M m m m

tam

*Religiosis quam  
noxia ingrat-  
tudo & tep-  
ditas.*

*qLuc. 17, d\**

*n Gen. 3, b*

*o Luc. 13, f*

*p Psal. 1, b*

*qLuc. 17, d\**

*Nova beneficia  
veterum grati-  
tudo mereatur.*

*Ingratitudo  
claudit manus  
benefactoris.*

tam nequissimo vitio ingratitudinis longe fieri studeamus: ut tota devo<sup>t</sup>ione in gratiarum actione versantes, conciliemus nobis gratiam Dei nostri, quæ sola potest salvare animas nostras. Nec verbo tantum vel lingua, sed opere & veritate exhibeamus nos gratos: quia gratiarum actionem magis, quam dilectionem à nobis exigit dator gratiarum Dominus Deus noster qui est benedictus in secula, Amen.

## SERMO XXVIII.

De eo quod legitur in Job, *In sex tribulationibus liberalite, & in septima non tangere te malum. Job. 5.c.*

**D**ignum valde est & omnino exigit ratio æquitatis, ut quibus à constitutione mundi regnum paratur, ipsi etiam sese regno parare non negligant, ne parato regno inveniantur forsitan, qui regnaturi fuerant imparati. Sic enim legimus de cœna quadam <sup>a</sup>, dicente Domino: *Quoniam quidem cœna parata est, sed qui vocati erant non fuerunt digni. Quærimus ergo quemadmodum regno parato parari debeant reges futuri.* Et si piè querimus, cum Propheta utique dicere non audemus <sup>b</sup>: *Domine quis habitabit in tabernaculo tuo, aut quis requiescat in monte sancto tuo? Qui ingreditur, inquit, sine macula.* Sed hæc, inquieres, præparatio soli Christo convenire videtur. Nemo enim cæterorum omnium mundus à forde, nec infans eius est vita uniuersi diei super terram <sup>c</sup>. Itaque solus intrabit, qui solus agnus est sine macula, solus argui non potuit de peccato, quod non ab eo factum est, nec in eo inventum. Solus planè summus pontifex meus nec in patre nec in matre contaminatus est, ut lex dicit <sup>d</sup>: *patrem quippe sed Deum, matrem quoque sed Virginem habens: unde & solis ingreditur sancta sanctorum,* & nemo ascendit in cœlum, nisi qui descendit de cœlo filius hominis qui est n cœlo <sup>e</sup>.

<sup>a</sup> Matt. 22. a  
<sup>b</sup> Psal. 14. a  
Cœlum solis patet immaculatis.

<sup>c</sup> Job. 15. b  
At nemo hominum sine macula, nisi solus Christus.

<sup>d</sup> Levit. 21. a

<sup>e</sup> Ioan. 3. b  
Attamen Christus, ut caput instrumentum, nō intrabit sine membris, sed conformibus.

<sup>f</sup> Infantes, quomodo conformatur Christo.

<sup>g</sup> Heb. 10. c

Quid ergo nos? Itane continuo desperabimus? Immò verò sperabimus, & hinc maximè. Licet enim solus sed profecto totus intrabit, & os non comminuetur ex eo, non sine membris caput inventur in regno, si tamen membra fuerint conformia sibi, & cohærentia capiti suo. Conformatio fanè moribus, cohærentia fide. Habet enim conformatiōnem quantum potest, habet & cohærentiam ipsa etiam minor ætas, dum & similitudini mortis ejus mersione illa triplici complantatur, & fidem in involucro quodam recipit, quod neccum capax sit evolutæ. Benignus est nimurum Spiritus sapientiae, & quem traducta culpa ligaverat, indulta justitia solvit. Sed non ita deinceps liberabit maledictum à labiis suis. *Voluntarie enim peccanti post agitam gratiam non relinquitur hostia pro peccato* <sup>f</sup>. Sed neque sic liberabit à suis, quomodo ab alienis labiis maledictum. Maledictio, Fratres, gravis est macula, & scimus quoniam non quod intrat in os coinqui-